



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՎԱՐՉԱԿԱՆ ԱԿՏ N 1514322

**ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

26 հոկտեմբերի 2021թ.

ք. Երևան

(կազմման վայրը)

Ակտի հասցեատեր

Ֆիզիկական անձ Արման Մարգարյան

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

(Անձնագիր՝ AU206640, բնակության վայր՝ ք. Երևան, Նոր Արեշ, 3փ. 17/3տ.)

Խախտման նկարագրությունը

ՀՀ ՊԵԿ ՀՕՀ վարչության պետի 29.09.2021թ-ի թիվ 1514322 որոշման համաձայն ֆիզիկական անձ Արման Մարգարյանի նկատմամբ իրականացվել են օպերատիվ-հետախուզական միջոցառումներ: Ձեռնարկված ՕՀՄ-ի շրջանակներում պարզվել է, որ ֆիզիկական անձ Արման Մարգարյանը առանց համապատասխան պետական գրանցման և հարկային մարմնում հաշվառման 5-6 ամիս՝ մինչև 18.10.2021թ-ը https://www.instagram.com/@roly_accessories կայքի կայքի միջոցով օնլայն հարթակում իրականացրել է մանրածախ առևտուր: Մասնավորապես իրականացված ՕՀՄ-ի ընթացքում 14.10.2021թ-ին ժամը 15:30-ի սահմաններում վերոնշված կայքի միջոցով ՀՀ ՊԵԿ ՀՕՀ վարչության աշխատակիցների կողմից իրականացվել է՝ ընդամենը 7.500 ՀՀ դրամ արժեքով դրամապանակի պատվեր: Այնուհետև 18.10.2021թ-ին ժամը 14:10-ի սահմաններում պատվիրված դրամապանակը Արման Մարգարյանի կողմից առաքվել է ք. Երևան, Դեղատան 3 հասցե: ՀՀ ՊԵԿ ՀՕՀՎ աշխատակիցների կողմից կանխիկ վճարվել է 7.500 ՀՀ դրամ, որի դիմաց չի տրամադրվել ՀԴՄ կտրոն: Նշված գործունեությունից Արման Մարգարյանի ձեռնարկատիրական եկամուտը կազմել է 320.000-350.000 ՀՀ դրամ:

Վերոգրյալը հաստատվել է Արման Մարգարյանի կողմից 18.10.2021թ-ին ներկայացված գրավոր հայտարարությամբ:

Թիվ 1514322 արձանագրությամբ 18.10.2021թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 26.10.2021թ-ին նշանակված վարչական վարույթի լսումներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Վերոշարադրյալ արարքն առաջացնում է պատասխանատվություն՝ ՀՀ հարկային օրենսգրքի 407-րդ հոդվածի 1-ին մասով ըստ որի՝ «Օպերատիվ-հետախուզական գործունեության մասին» Հայաստանի Հանրապետության օրենքով սահմանված կարգով իրականացվող օպերատիվ-հետախուզական միջոցառումների արդյունքում ապօրինի գործունեության հայտնաբերման դեպքում գանձվում է տուգանք՝ այդ գործունեության

արդյունքում Օրենսգրքով սահմանված կարգով հաշվարկված ձեռնարկատիրական եկամտի 50 տոկոսի չափով, բայց ոչ պակաս 200 հազար դրամից:

Տվյալ դեպքում Արման Մարգարյանի կողմից խախտումը վերջին 1 տարվա ընթացքում կատարվել է առաջին անգամ: Գործունեության ընթացքում ստացած ձեռնարկատիրական եկամուտը կազմում է 320.000 ՀՀ դրամ, որի 50%-ը կազմում է 160.000 ՀՀ դրամ, ուստի օրենսդրական պահանջից ելնելով Արման Մարգարյանի նկատմամբ կիրառելի է 200.000 ՀՀ դրամ տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի 28.08.2019թ. N 562-Լ հրամանով.

Որոշեցի

1. Հաշվարկել և Արման Մարգարյանին գանձման առաջադրել 200.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 407-րդ հոդվածով սահմանված տուգանք ընդամենը, որից՝	200.000	պետական բյուջե	900008000490

2. Ընդունել ի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի
պաշտոնը, անունը և ազգանունը

Կ.Տ.

Ստացա ակտի մեկ օրինակը

Արման Մարգարյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատեր նշումով) իրավաբանական անձի գործադիր
մարմնի ղեկավար (գրագրության ընդունման համար
պատասխանատու անձ՝ հպտակ առաքման դեպքում)

ստորագրությունը

2021թ.